

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. जम्मू-कश्मीर काबिना नै जैनाकोट आले ग्रिड सब स्टेशन दा दर्जा बधाने लेई मंजूरी देई दिती ऐ, जेहदे पर अंदाजन 67 करोड़ 66 लक्ख रुपें दी लागत औगा।
2. म्तेयानें सरबन्धी राश्ट्री एजेंसी एनटीए नै नीट अंडरग्रेजुएट 2026 दा म्तेयान ओंटी 21 जून गी ऐतवारें परतियै करोआने दा फैसला लैता ऐ।
3. 100 दिनें दे नशामुक्त जम्मू-कश्मीर अभिजान दे पैहले 30एं दिनें च 866 जनें गी गिरफ्तार कीता गेआ ऐ ते नशीले पदार्थ दी तस्करी करने आलें दी 41 करोड़ 85 लक्ख रुपें दी संपत्ति कुर्क कीती गेई।
4. राजौरी जिले च कब्जा रेखा कश महिलाएं प्रधानमंत्री नरेंद्र मोदी हुंदी अपील दा समर्थन कीता, इक बरे लेई सुन्ने दी खरीद नेई करने दा प्रण पाया।
5. ते मौसम विभाग नै अज्ज जम्मू-कश्मीर च हौली बरखा ते अंधी झक्खड़ दी पेशगोई कीती ऐ। उआं 16 थमां लेइयै 18 मई तगर मौसम दे खुश्क रौहने दे इमकान।

<><><><><><>

Cabinet-Projects

जम्मू-कश्मीर काबीना नै जैनाकोट आले ग्रिड सब स्टेशन दा दर्जा बधाइयै इसी 450 मेगावोल्ट एम्पायर थमां 780 मेगावोल्ट एम्पायर करने गी मंजूरी देई दिती ऐ ते एहदे पर अंदाजन कोई 67 करोड़ 66 लक्ख रुपे खच्र कीते जाडन। इस बारे घोशणा मुख्मन्त्री उमर अब्दुल्ला हुंदे आसेआ अज्ज कीती गेइ ऐ। काबीना नै 25 करोड़ 47 लक्ख रुपें दी लागत कन्नै 132 के.वी पाम्पोर-रावलपोरा ते रावलपोरा-बेमीना ट्रांसमिशन लाइन दा दर्जा बधाने दी बी मंजूरी देई दिती ऐ। मुख्मन्त्री हुंदे दफ्तर पास्सेआ दिती गेदी जानकारी मूजब इनें परियोजनाएं दा मकसद श्रीनगर ते एहदे आले-दोआले दे इलाकें च ट्रांसमिशन दी समर्थ बधाइयै बिजली ढांचे गी तगड़ा बनाना ऐ तां जे उपभोक्ताएं गी बिजली दी बेहतर सप्लाई हासल होई सके।

<><><><><><>

NEET New Date

राष्ट्रीय परीक्षा एजेंसी (NTA) नै भारत सरकार दी अनुमती कन्नै NEET (UG) 2026 दी परीक्षा 21 जून 2026 ऐतवारें दे दिन परतियै करोआने दा फैसला लैता ऐ। उम्मीदवारें गी सलाह दिती जा'रदी ऐ जे ओह कुसै बी जानकारी आस्तै NTA दे अधिकारिक माध्यमें उप्पर गै भरोसा करन।

इस बारे होर जानकारी लैने लेई ओह 011-40759000 जां फही 011-69227700 उप्पर फोन करी सकदे न। इस बारै होर मती जानकारी दिंदे होई केंद्री शिक्षा मंत्री धर्मेंद्र प्रधान होरें आखेआ

<><><><><><>

War Against Drugs

जम्मू-कश्मीर दे 100 दिनें दे नशामुक्त अभियान दे पैहले 30एं दिनें च पुलस ने पूरे जम्मू-कश्मीर च नशीले पदार्थ दे गैर कनूनी कारोबार च शामिल लोकें खलाफ बड़ी मती कामयाबी हासल कीती ऐ। इस घट्अ अवधि दरान पुलसै 724 एन.डी.पी.एस मामलें च 866 जनें गी गिरफ्तार कीता ऐ। इन्ना गै नेई 667 किलो नशीले पदार्थ ते नशीली दोआइयें दे 90 जहार कोला मते यूनिट जब्त कीते गे न। एहदे अलावा 41 करोड़ 85 लकख रुपें मुल्ल दियां 97 संपतियां जब्त कीतियां न। इक संवाददाता सम्मेलन च जानकारी सांझी करदे होई डीजीपी नलिन प्रभात होरें दस्सेआ जे गिरफ्तार कीते गेदे लोकें च गुलजार अहमद उर्फ लाउ गुज्जर ते अवनीत सिंह उर्फ नेगी शामिल न जंदी पुलस गी कई सारे मामलें च पैहले शा गै तपाश ही।

<><><><><><>

NCC-Camp

श्रीनगर दे बादामी बाग आर्मी कैंटोनमेंट च इक बशेष एनसीसी राष्ट्री एकता कैंप शुरू होआ। इस कैंप दा मकसद बक्ख-बक्ख राज्यें दे बच्चें गी इकजुट रौहने ते शांति दा स्नेहा देने दी सिखलाई देना ऐ। ऐकती बच्चें गी जम्मू-कश्मीर दी संस्कृति, रिवायतें ते रीति-रिवाजें बारै सिखलाई दिती जाहग। इस कैंप च खेड्ठ प्रतियोगिताएं, सांस्कृतिक कार्यक्रम ते बक्ख-बक्ख थाहें थमां आए दे कैडेटें बश्कार सिखलाई ते गल्लबात गी बढ़ावा देने लेई तैयार कीती गेदी गतिविधियां बी शामिल होडन। कैंप च हिस्सा लैने आले कैडेटें आखेआ जे इस कार्यक्रम कन्नै उनेंगी बक्ख-बक्ख संस्कृतियें बारै च जानने दा मौका थहोआ। इस बारै होर जानकारी दिंदे होई एनसीसी श्रीनगर ग्रुप कमांडर ब्रिगेडियर गुरबीर सिंह होरें आखेआ

<><><><><><>

Moungri Mela

त्रै रोजा ऐतिहासिक सलाना शिव पार्वती मेला अज्जै थमां उधमपुर जिले दी तहसील ते ब्लाक मोंगरी दे सर दब्बड़ च शुरू होआ। इस मेले दा उद्घाटन उधमपुर दे डिप्टी कमिशनर मिंगा शेरपा होरें एसएसपी उधमपुर अमृतपाल सिंह हुंदे कन्नै रलियै कीता। मेले दे पैहले ध्याड़े बड़ी मती गिनतरी च श्रद्धालु ते सैलानी उधमपुर जिले दी तहसील मोंगरी दे सर दब्बड़ पुज्जे। श्रद्धालुएं ते मकामी लोकें भगवान शिव ते मां पार्वती दा अशीर्वाद लैने लेई पवित्तर तीर्थ स्थान पर मत्था टेकेआ। इस मौके पर बोलदे होई उधमपुर दे डीसी मिंगा शेरपा होरें इस चाल्ली दे शानदार समारोह दे आयोजन लेई मेला कमेटी गी मुबारकबाद दिती। मगरा पत्रकारें कन्नै गल्लबात करदे होई डी.सी उधमपुर होरें आखेआ

<><><><><><>

Austerity- Rajouri

समाजी बचनबद्धता दा शानदार प्रदर्शन करदे होई राजौरी जिले च नियंत्रण रेखा कश रौहने आहली महिलाएं, प्रधानमंत्री नरेंद्र मोदी हुं'दी अपील पर इक ब'रे तगर सुन्ने दी खरीद नेई करने दा प्रण पाया ऐ। आकाशवाणी दे जम्मू संवाददाता नै जानकारी दिती ऐ जे पैहलकदमी नै केई सरहदी ग्राएं च रफ्तार फगड़ी ऐ, जित्थे महिलां, प्रधानमंत्री हुंदे स्नेह दा समर्थन करने लेई इकजुट होई गेइयां न जेहदा मकसद आर्थिक अनुशासन, आत्मनिर्भरता ते जिम्मेदार समाजी बवहार गी बढ़ावा देना ऐ। इस संकल्प दे कन्नोकन्नी मकामी महिलाएं इस गल्लै गी यकीनी बनाने लेई घर-घर जाइयै जागरूकता अभियान बी शुरू कीता ऐ जे प्रधानमंत्री हुं'दे आसेआ कीती गेदी 7 सार्वजनिक अपीलां, खिते दे हर इक घरै तगर पुज्जी सकन। आकाशवाणी समाचार कन्नै गल्ल करदे होई इक मकामी बसनीक शिखा बाली नै आखेआ

<><><><><><>

JU-Austeriy-Measures

ईधनदी बचत लेई प्रधानमंत्री नरेंद्र मोदी हुं'दी अपील दे बाद जम्मू यूनिवर्सिटी नै ईधन दी बचत ते कम्म पर होने आले खर्च गी घट्ट करने लेई केई सारे हीले कीते न। वाइस चांसलर उमेश राय होरें आखेआ ऐ जे ओह् देसै दी पैहली ऐसी यूनिवर्सिटी बनी गे न जेहड़ी पी.एच.डी. दे सब्बै वीवा म्मतेहान आनलाइन लै करदी ऐ। एहदे अलावा यूनिवर्सिटी राश्ट्री ते अंतरराश्ट्री सतह दे सम्मेलनें च वक्ताएं दी वर्चुअल ढंगगै'नै शमूलियत गी बी बढ़ावा देआ'रदी ऐ। इक होर हीले दे तैहत पुंछ च होने आहली अकैडमिक काउंसल दी बैठक बी हुन जम्मू मुंतकिल कीती गेई ऐ तां जे गैर जरूरी

जातरा थमां बचेआ जाई सकै। इस बारे अपने बचार सांझे करदे होई वाइस चांसलर प्रो. उमेश राय होरें आखेआ

<><><><><><>

Science-Exhibition

किश्तवाइ दे जिला शिक्षा ते सिखलाई संस्थान यानि डाइट आसेआ माडल हायर सेकेंडरी स्कूल छातरू दे सहयोग कन्नै छातरू च बड़ी मती प्रतिष्ठा आले राज्य स्तरी बाल वैज्ञानिक प्रदर्शनी दे तैहत जोनल सतह दी इक विज्ञान प्रदर्शनी ते सेमीनार दा आयोजन कीता गेआ। एह सेमीनार प्लास्टिक प्रदूषण घट्ट करने दे विशे पर आधारित हा ते इंद्रवाल जोन दे 14 स्कूलें बड़े जोश कन्नै एहदे च हिस्सा लैता। हाई स्कूल सिगड़ी भाटा नै एहदे च पैहली थाह हासल कीती। इस बारे च होर जानकारी सांझी करदे होई माडल हायर सेकेंडरी स्कूल छातरू दे प्रिंसीपल विनोद कुमार होरें आखेआ

<><><><><><>

Weather

मौसम विभाग ने अज्ज जम्मू-कश्मीर च केंई थाहरें पर खासकरियै दपैहरी जां संजा'लै इक जां दं'ऊ बारी हलकी बरखा बरने ते गरज-चमक दी भविकखवानी कीती ऐ। ऊआं 16 थमां 18 मई तोड़ी मौसम आमतौर पर खुशक बने दा रौहग जिसले- के 19 ते 20 मई गी किश थाहरें पर फही हौली बरखा बरी सकदी ऐ।

<><><><><><>